



*Bošnjačko nacionalno vijeće u Republici Srbiji  
Bosniac National Council in the Republic of Serbia  
Национални савети бошњачке националне мањине*

**Office of the High Representative - OHR  
URED VISOKOG PREDSTAVNIKA  
NJ.E. Kristian SCHMIDT, visoki predstavnik**

*U Novom Pazaru, 02. septembra 2022. godine  
Broj: 600-01/2022*

Vaša ekscelencijo gospodine SCHMIDT,

Cijeneci Vaše težnje i vidljive napore da doprinesete u rješavanju nastale krize u Bosni i Hercegovini, a time i na Balkanu obraćam Vam se u ime najvišeg političkog i predstavničkog tijela Bošnjaka Sandžaka, Bošnjačkog nacionalnog vijeća u Republici Srbiji, sa zahtjevom da u Bosni i Hercegovini izmjenama Ustava i zakonskim rješenjima zaustavite i onemogućite dobit ostvarenu udruženim zločinačkim poduhvatom i genocidom tokom agresije srpskih oružanih snaga na Bosnu i Hercegovinu.

Bošnjačko nacionalno vijeće traži od Vas da korištenjem vaših ovlaštenja ispunite ovaj naš zahtjev i time pošaljete jasnu poruku da će politička dobit ostvarena udruženim zločinačkim poduhvatom i genocidom biti poništena.

Bošnjake Sandžaka posebno zabrinjava učestalo održavanje nenajavljenih vojnih vježbi i kretanje srpskih oružanih snaga i vojne tehnike kroz Sandžak koje Bošnjaci sa pravom doživljavaju kao realnu opasnost po biološki opstanak.

Usvajanjem ovog zahtjeva spriječit ćete srpske oružane snage da u Sandžaku ostvare svoju javno izrečenu prijetnju da će Novi Pazar doživjeti sudbinu Vukovara, a Sjenica sudbinu Srebrenice.

Dosadašnji tolerantan odnos od strane međunarodne zajednice prema zločinima u Bosni i Hercegovini motiviše srpsko državno rukovodstvo da ostvare genocidne prijetnje nad Bošnjacima Sandžaka. Sve to čini da se Bošnjaci Sandžaka osjećaju nesigurnim u Republici Srbiji.

Bošnjačko nacionalno vijeće, kao aktivni učesnik Mirovne i Međunarodne konferencije o bivšoj SFRJ poziva na poštivanje usvojenog stava da se na prostoru bivše Jugoslavije neće priznavati teritorijalna osvajanja silom i etničkim čišćenjem kao svršen čin.

Molimo Vas da u skladu sa Vašim ovlaštenjima poništite političku korist koju su srpske oružane snage ostavile udruženim zločinačkim poduhvatom i genocidom u Bosni i Hercegovini.

U ime Bošnjačkog nacionalnog vijeća u Republici Srbiji i u svoje ime izražavam zahvalnost na naporima koje činite na uspostavljanju pravednog i trajnog mira na Balkanu i želim Vam mnogo uspjeha u predstojećem radu.

Primite izraze našeg najvišeg poštovanja.

Predsjednica



Dr. Jasmina Curić